

Broj:01-02/1- 1998/24 SK/EZ
Sarajevo, 12.08.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA**

n/r gđin Izmir Hadžić, sekretar
n/r gđa Iva Raguž, delegatkinja

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 14 -08- 2024			
Org. jed.	Broj	Priloga	Vrijednost
02	02	1795	124

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE**

n/r gđa Edita Kalajdžić, sekretar

Predmet: Odgovor na inicijativu, **dostavlja se-**

Veza: Akt sekretara Doma naroda Parlamenta Federacije Bosne i Hercegovine broj: 02-02-1795/24 od 30.07.2024. godine i akt sekretara Vlade Federacije Bosne i Hercegovine, broj: 03-04-1386/24 od 01.08.2024. godine

Poštovani,

Aktom broj i datum veze, Federalnom ministarstvu rada i socijalne politike dostavljena je inicijativa koju je na 11. sjednici Doma naroda Parlamenta Federacije Bosne i Hercegovine, održanoj 29.07.2024. godine, podnijela delegatkinja Iva Raguž, za izmjene i dopune Zakona o roditeljima njegovateljima u Federaciji Bosne i Hercegovine, a pozivajući se na Zaključak Doma naroda Federacije Bosne i Hercegovine, kojim je zadužena Vlada Federacije Bosne i Hercegovine da sve primjedbe i sugestije iznesene na sjednici navedenog Doma uvrsti u podzakonske akte koji će se donijeti na osnovu predmetnog Zakona ili u izmjene i dopune Zakona. Dalje, smatra se da je prošlo dovoljno vremena i da treba predmetni Zaključak realizovati, te napraviti monitoring primjene Zakona i krenuti u izmjene i dopune predmetnog Zakona. Shodno navedenom, dostavljamo izjašnjenje sa aspekta nadležnosti Federalnog ministarstva rada i socijalne politike kako slijedi:

Zakon o roditeljima njegovateljima u Federaciji Bosne i Hercegovine („Službene novine Federacije BiH“, broj: 75/21) usvojen je u septembru mjesecu 2021. godine, a primjenjuje se od 30.12.2021. godine. Zakon je usvojen uz Zaključak Doma naroda Parlamenta Federacije Bosne i Hercegovine da se bez odlaganja upute u proceduru donošenja izmjene i dopune Zakona o roditeljima njegovateljima u Federaciji Bosne i Hercegovine jer je bilo izvjesno da je neprovodiv u usvojenom tekstu. Dalje, izmjene koje su predlagane i o kojima se raspravljalo na Domu naroda Parlamenta Federacije Bosne i Hercegovine, nisu rješavale nastale probleme.

Najveći problem u primjeni propisa pojavio se u vezi primjene člana 11. Zakona, a odnosio se na nemogućnost prijave/odjave u Jedinствени sistem registracije, kontrole

i naplate doprinosa roditelja koji bi stekli status roditelja njegovatelja. Navedeni problem vezao se za propise koji nisu u nadležnosti Federalnog ministarstva rada i socijalne politike.

Federalno ministarstvo finansija je, u cilju implementacije Zakona o roditeljima njegovateljima u Federaciji Bosne i Hercegovine, odnosno omogućavanja prijave u Jedinstveni sistem registracije, kontrole i naplate doprinosa, donijelo Pravilnik o izmjenama i dopunama Pravilnika o podnošenju prijave za upis i promjene upisa u jedinstveni sistem registracije, kontrole i naplate doprinosa ("Sužbene novine Federacije BiH", broj: 20/22), kao i Pravilnik o izmjenama i dopunama Pravilnika o primjeni Zakona o porezu na dohodak ("Sužbene novine Federacije BiH", broj: 20/22). S ciljem lakše implementacije Pravilnika o izmjenama i dopunama Pravilnika o primjeni Zakona o porezu na dohodak od strane nadležnih organa i lica/poreznih obaveznika na koje se isti odnosi (centri za socijalni rad/službe socijalne zaštite, roditelji njegovatelji) Federalno ministarstvo finansija pripremi je Upute za roditelje njegovatelje o načinu popunjavanja Zahtjeva za izdavanje porezne kartice (Obrazac PK-1001) i Upute za centre za socijalni rad i općinske službe za socijalnu zaštitu o specifičnostima koje se tiču načina popunjavanja Obrasca MIP-1023 i Obrasca PMIP-1024 vezanim za isplate naknada roditeljima njegovateljima. Bez navedenih aktivnosti nije bilo moguće implementirati propis.

Također, Federalno ministarstvo rada i socijalne politike donijelo je podzakonske akte predviđene članom 29. predmetnog Zakona.

Dakle, ukazivani problemi nisu bili u vezi sa konkretnim zakonodavnim rješenjima nego u nepripremljenosti drugih sistema za implementaciju predmetnog propisa. Federalno ministarstvo rada i socijalne politike u proteklom periodu svoje aktivnosti je usmjerilo na stvaranju pretpostavki za implementaciju istog i nakon toga na provedbu postupka revizije zaprimljenih rješenja, te Vas ovim putem obavještavamo da je ovo Ministarstvo riješilo sve predmete koji su zaprimljeni. Revizija novozaprimljenih predmeta se sada radi redovno.

Također, Vlada Federacije Bosne i Hercegovine usvojila je Zaključak V. broj: 890/2023 od 04.07.2023. godine, kojim je zadužila Federalno ministarstvo rada i socijalne politike da pokrene proceduru izmjene Zakona o roditeljima njegovateljima u Federaciji Bosne i Hercegovine, a što podrazumijeva jasno utvrđivanje načina i izvora sredstva iz kojih će se refundirati troškovi medicinskog vještačenja lica s invaliditetom korisnicima koji ostvare pravo po navedenom Zakonu.

Shodno navedenom, obavještavamo Vas da je Federalno ministarstvo rada i socijalne politike, a na osnovu uočenih problema u toku implementacije i primjene propisa, pristupilo pripremi izmjena i dopuna predmetnog propisa, a što je i u planu rada ovog Ministarstva za 2024. godinu.

S poštovanjem,


MINISTAR
Adnan Delić

Dostavljeno:

- naslovu
- a/a